

ხელშეკრულება სახელმწიფო შესყიდვის შესახებ 02/10/07

გამარტივებული შესყიდვა

ქ. თბილისი

17 იანვარი 2017 წელი

ხელშეკრულების დამდები მხარეები

ერთის მხრივ ა(ა)იპ „თბილისის საბავშვო ბაგა-ბაღების მართვის სააგენტო“ (შემდგომში „შემსყიდველი“), წარმოდგენილი მისი დირექტორის თემურ თორდინავას სახით, იურიდიული მისამართი: ქ. თბილისი, ქ. თბილისი, მიცკევიჩის N29-29, ს/კ404905475, სახელმწიფო ხაზინა, კოდი: TRESGE22, ა/ა GE24NB0330100200165022

(ორგანიზაციის დასახელება და იურიდიული მისამართი)

და მეორეს მხრივ შპს „ყოველდღიური გაზეთი რეზონანსი“ (შემდგომში მიმწოდებელი), წარმოდგენილი მისი დირექტორის ზურაბ მაჭარაძის სახით, იურიდიული მისამართი თბილისი, გოთუას ქ. №3; ს/კ 202224609, სს „საქართველოს ბანკი“, ბანკის კოდი: BAGAGE22, ა/ა GE18BG0000000339545300

(ორგანიზაციის დასახელება და იურიდიული მისამართი)

წინამდებარე ხელშეკრულების გაფორმების საფუძველს წარმოადგენს „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის (ს¹) ქვეპუნქტი და სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანებით დამტკიცებული „გამარტივებული შესყიდვის კრიტერიუმების და გამარტივებული შესყიდვის ჩატარების წესის“ მე-2 მუხლის „ა“ ქვეპუნქტი.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვების შესახებ“ (შემდგომში-„ხელშეკრულება“) - შემსყიდველ ორგანიზაციასა და ბაზრის შესწავლის შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებული;
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 წინამდებარე ხელშეკრულება დადებულია ა(ა)იპ „თბილისის საბავშვო ბაგა-ბაღების მართვის სააგენტო“ საჭიროების დასაკმაყოფილებლად;
- 2.2 ხელშეკრულების საგანს წარმოადგენს:
 - სარეკლამო მომსახურების შესყიდვა;
 - CPV კოდი: 79341000 - სარეკლამო მომსახურებები;

3. ხელშეკრულების ჯამური ღირებულება და ანგარიშსწორება

- 3.1 შესყიდვის მომსახურების საერთო ღირებულება შეადგენს - 4 900.00 ლარს (ოთხი ათას ცხრაასი ლარი და 00 თეთრი).
- 3.2 გადახდის ფორმა – უნაღდო.
- 3.3 დაფინანსების წყარო: ქ. თბილისის 2017 წლის ბიუჯეტით გათვალისწინებული ასიგნებები;
- 3.4 წინასწარი ანგარიშსწორება არ გამოიყენება.

- 3.5 ანგარიშსწორება განხორციელდება ფაქტიურად გაწეული მომსახურების მიხედვით, მიღება-ჩაბარების აქტისა და საქართველოს მოქმედი საგადასახადო კანონმდებლობით გათვალისწინებული დოკუმენტაციის საფუძველზე, **10 (ათი) სამუშაო დღის ვადაში.**
- 3.6 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.
- 4. შესყიდვის ობიექტის მიღება-ჩაბარების წესი**
- 4.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტების გაფორმებით, რომლებშიც აღნიშნული უნდა იყოს გაწეული მომსახურების ღირებულება, ჯამური თანხა, რეკვიზიტები, მიღება-ჩაბარების გაფორმების თარიღი და ადგილი.
- 4.2 მომსახურების გაწევის მიღება-ჩაბარებაზე პასუხისმგებელი პირია ა(ა)იპ „თბილისის საბავშვო ბაგა-ბაღების მართვის სააგენტოს“ მედიასთან და საზოგადოებასთან ურთიერთობის მენეჯერი თამარ კვიციანი.
- 4.3 გაწეული მომსახურების მიღება ხდება მიღება-ჩაბარების აქტისა და საქართველოს მოქმედი საგადასახადო კანონმდებლობით გათვალისწინებული დოკუმენტაციის საფუძველზე.
- 5. მხარეთა ვალდებულებები**
- 5.1 მიმწოდებელი ვალდებულია უზრუნველყოს:**
- 5.1.1 ერთი სრული საგაზეთო გვერდის სარეკლამო მიზნით გამოყენების შემთხვევაში (920 კვ/სმ) მისი ღირებულება განისაზღვრება 1000 (ერთათასი) ლარით;
- 5.1.2 2/3 საგაზეთო გვერდის სარეკლამო მიზნით გამოყენების შემთხვევაში (615 კვ/სმ) მისი ღირებულება განისაზღვრება 700 (შვიდასი) ლარით.
- 5.1.3 1/2 საგაზეთო გვერდის სარეკლამო მიზნით გამოყენების შემთხვევაში (460 კვ/სმ) მისი ღირებულება განისაზღვრება 500 (ხუთასი) ლარით.
- 5.1.4 1/4 საგაზეთო გვერდის სარეკლამო მიზნით გამოყენების შემთხვევაში (230 კვ/სმ) მისი ღირებულება განისაზღვრება 250 (ორასორმოდდაათი) ლარით.
- 5.1.5 1/8 საგაზეთო გვერდის სარეკლამო მიზნით გამოყენების შემთხვევაში (115 კვ/სმ) მისი ღირებულება განისაზღვრება 125 (ასოცდახუთი) ლარით.
- 5.1.6 გაზეთის პირველ გვერდზე 1/32 საგაზეთო ფართობზე (25 კვ/სმ) სათაურის გამოტანის შემთხვევაში ღირებულება განისაზღვრება 80 (ოთხმოცი) ლარით.
- 5.1.7 აღნიშნული მომსახურებები უზრუნველყოს შემსყიდველის მოთხოვნებიდან უმოკლეს ვადაში;
- 5.1.8 მომსახურების გაწევა განხორციელდეს **ხელშეკრულების გაფორმებიდან - 2017 წლის 31 დეკემბრის ჩათვლით.**
- 5.2 შემსყიდველი ვალდებულია:**
- 5.3 უზრუნველყოს წინამდებარე ხელშეკრულების 3.1 პუნქტით გათვალისწინებული მომსახურების ღირებულების სრულად ანაზღაურება, შესაბამისი მიღება-ჩაბარების აქტის გაფორმებიდან 10 (ათი) კალენდარულ დღეში.
- 5.4 განახორციელოს ამ ხელშეკრულებით მასზე დაკისრებული სხვა ვალდებულებები.
- 6. ხელშეკრულების შესრულების კონტროლი**
- 6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.
- 6.2 კონტროლს განახორციელებს მიღება-ჩაბარებაზე პასუხისმგებელი პირი ა(ა)იპ „თბილისის საბავშვო ბაგა-ბაღების მართვის სააგენტოს“ მედიასთან და საზოგადოებასთან ურთიერთობის მენეჯერი თამარ კვიციანი.
- 7. ხელშეკრულებაში ცვლილებების შეტანა**
- 7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 7.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

7.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. უფლებების გადაცემა

8.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის „მიმწოდებელს“ დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

9.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, „შემსყიდველს“ უფლება აქვს ცალმხრივად შეწყვიტოს ხელშეკრულება.

9.3 თუ „მიმწოდებელი“ ხელშეკრულებით განსაზღვრული ვადის ფარგლებში ვერ შეასრულებს ნაკისრ ვალდებულებებს, „შემსყიდველი“ უფლებამოსილია:

9.3.1 შეწყვიტოს წინამდებარე ხელშეკრულება და „მიმწოდებელი“ ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 5%-ის ოდენობით.

9.3.2 განუსაზღვროს მომსახურების გაწევის დასრულებისათვის დამატებითი გონივრული ვადა, რა ვადაშიც „მიმწოდებელი“ ყოველ ვადაგადაცილებულ დღეზე იხდის, პირგასამტეხლოს ხელშეკრულების შეუსრულებელი ვალდებულების 0.1%-ის ოდენობით.

9.4 თუ „შემსყიდველი“ დარწმუნდება, რომ შეუძლებელია მომსახურების განხორციელება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და „მიმწოდებელი“ დააჯარიმოს ხელშეკრულების საერთო ღირებულების 5%-ს ოდენობით.

9.5 თუ „მიმწოდებელი“ დამატებით ვადაშიც ვერ განახორციელებს მომსახურების სრულად დამთავრებას, „შემსყიდველი“ წყვეტს წინამდებარე ხელშეკრულებას და „მიმწოდებელი“ ხელშეკრულების არაჯეროვანი შესრულებისათვის დააჯარიმდება ხელშეკრულების საერთო ღირებულების 5%-ს ოდენობით.

9.6 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

9.7 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

9.7.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

9.7.2 „მიმწოდებლის“ გაკოტრების შემთხვევაში;

9.8 საქართველოს კანონმდებლობით გათვალისწინებულ სხვა შემთხვევებში.

9.9 ზემოთ მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად გაწეული მომსახურების ღირებულება.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლისა ან/და მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. სადავო საკითხების გადაწყვეტა

- 11.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 11.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების ენა და შეტყობინება

- 12.1 ხელშეკრულება შედგენილია 2 ეგზემპლარად ქართულ ენაზე და თითოეულ მათგანს თანაბარი იურიდიული ძალა აქვს;
- 12.2 ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი - „შემსყიდველთან“;
- 12.3 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის ან/და ელ. ფოსტის სახით, შესყიდვების ერთიან ელექტრონულ სისტემაში მითითებული მეორე მხარის მისამართზე;
- 12.4 შეტყობინება შედის ძალაში ადრესატის მიერ მისი მიღების დღეს ან შეტყობინების გაგზავნიდან მე-3 დღეს იმის მიხედვით, თუ ამ თარიღებიდან რომელი უფრო ადრე დგება.

13. გადასახადები და დაბეგვრა

- 13.1 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

14. ხელშეკრულების მოქმედების ვადა

- 14.1 წინამდებარე ხელშეკრულება ძალაშია ზემოთ მითითებული თარიღიდან და მოქმედებს **2018 წლის 31 იანვრის ჩათვლით.**

შემსყიდველი:

ა(ა)იპ „თბილისის საბავშვო ბაგა-ბაღების მართვის
სააგენტო“



თემურ თორდინავა

მიმწოდებელი:

შპს „ყოველდღიური გაზეთი რეზონანსი“



ზურაბ მაჭარაძე


ინტერესთა კონფლიქტის არ არსებობის შესახებ

შპს „ყოველდღიური გაზეთი რეზონანსი“

ინტერესთა კონფლიქტის თავიდან აცილების მიზნით, გავეცანით საქართველოს კანონის „სახელმწიფო შესყიდვების შესახებ“ მე-8 მუხლს „ინტერესთა კონფლიქტის თავიდან აცილების პირობები“ ვადასტურებთ, რომ ა(ა)იპ „თბილისის საბავშვო ბაგა-ბაღების მართვის სააგენტოს“ მიერ 2017 წლის 17 იანვარს გასაფორმებელ ხელშეკრულებაზე #02/10/07 შპს „ყოველდღიური გაზეთი რეზონანსი“-სთან ინტერესთა კონფლიქტში არ ვიმყოფებით, რასაც ვადასტურებთ ხელმოწერით:

დირექტორი:

1. თემურ თორდინავა




დირექტორის მოადგილე:

2. მანია ქობალია



სახელმწიფო შესყიდვების განყოფილების უფროსი:

3. დავით ძოწენიძე



სააგენტოს ხელმძღვანელს
გაბა-ბაღების მართვის
სააგენტოს ხელმძღვანელს
თამარ კვიციანი
11.01.2017.

ა(ა)იპ თბილისის საბავშვო გაბა-ბაღების მართვის
სააგენტოს ხელმძღვანელს ბატონ თემურ თორდინავას
ამავე სააგენტოს საზოგადოებასთან და მედიასთან
ურთიერთობის მენეჯერის თამარ კვიციანს

მოხსენებითი ბარათი

სააგენტოს საქმიანობის უკეთ წარმოსაჩენად და პრესაში გასაშუქებლად გვესაჭიროება
ბეჭდური მედიის მომსახურება.

გთხოვთ, დაავალოთ შესაბამის სამსახურს ხელშეკრულების გაფორმება გაზეთ
„რეზონანსთან“, რომლის წლიური ღირებულება შეადგენს 4 900 ლარს.

პატივისცემით,
თამარ კვიციანი

11.01.2017

სააგენტოს ხელმძღვანელს
გაბა-ბაღების მართვის სააგენტო
№ 6/007
" 11 " 01 " 20 17
თბილისი